

Gvangjsih Minzczu Bau

Cawjguen: Gvangjsih Bouxcuengh Swcigh Minzczu Cunghgyau Swvu Veijyenzei

Cawjbanh: Gvangjsih Minzczu Bause

Geiz neix 8 banj

广西民族报 Aenhau okbanj: CN45-0036 B.2025 Nd.3 Ng.19 Liggaueq ietceih nienz ndwengeih ngeihcib Geizsoq: Gungh daih 3661 geiz

《Giuzsi》Cazci Fat Bien Faenzcieng Youqgaenj Siz Ginbingz Cungjsuhgi Dawzmaenh Caeuq Doekguh “Song Aen Mbouj Doenghonz Saek Di”

Sinhvazse Baekging 3 nyied 15 hauh dien 《Giuzsi》Cazci geiz daihroek 3 nyied 16 hauh okbanj de fat bien faenzcieng youqgaenj 《Dawzmaenh Caeuq Doekguh “Song Aen Mbouj Doenghonz Saek Di”》Cunghgung Cunghyangh cungjsuhgi、Guekgya cujsiz、Cunghyangh Ginheij cujsiz Siz Ginbingz. Neix dwg mbaet au mizgven lwnhgangj youqgaenj duenhseiz 2013 nienz 11 nyied daengz 2025 nienz 2 nyied Siz Ginbingz cungjsuhgi.

Faenzcieng daegbied gangj daengz, aen dangj raeuz mingzbej, itloh dawzmaenh aen cidu gihbnj ginghci, caemhcaiq mboujduenh gyalag, mbouj doenghonz gvaq. Aen cidu gihbnj ginghci guek raeuz raiz haeu yenfaz, dangicangh, neix mbouj bienq ndaej, hix mbouj ndaej bienq. Dangj caeuq guekgya dawzmaenh caeuq guh ndei aen cidu gihbnj ginghci sevei cuji, mbouj doenghonz saek di gyamaenh caeuq hwnghat gunghyoujci ginghci, mbouj doenghonz saek di gikcoi, haeucoengh, dazyinx mbouj dwg gunghyoujci ginghci hwnghat; dangj caeuq guekgya baujingq gak cungj sojyoujci ginghci ei fap bingzdaengj yungh gaiq guh swnghcanj, goengbingz caeuqfaenh

hawciengz doxceng, caemhcaez deng faplwd baujhoh, coihaeuq gak cungj sojyoujci ginghci giindei doxbouj, caemhcaez hwnghat, coihaeuq mbouj dwg gunghyoujci ginghci hwnghat cangqheiq caeuq vunz guh mbouj dwg gunghyoujci ginghci cangqheiq majhung.

Faenzcieng ceijok, guek raeuz dwg aen guekgya sevei cuji Cunghgoz Gungcanjdangj lingjdauj, gunghyoujci ginghci dwg itloh doxdaeuq guekgya ginggvaq hwnghat guh baenz, bang hwnghat guekgya, gozfangz ancienz, gaijndei gij gwndaenj bouxminz ok goengrengz yienhda, dwg gaiq cienzcaiz dijbauj daengxcungq bouxminz. Gozyouj giyez bang guek raeuz gaiq hong hwnghat ginghci aenbiengz, gohgi baenaj, hwnghat gozfangz, gaijndei gij gwndaenj bouxminz ok goengrengz doenghbaez caengz miz gvaq, dwg gaiq saeu dingj youqgaenj caeuq gij rengz ingbaengh aen dangj raeuz gaemgienz hwnghat guek. Hwnghat ndei gozyouj giyez, hawj gunghyinz gaihgiz lai miz yungh, caeuq gyamaenh aen diegvih aen dangj gaemgienz, gyamaenh guek raeuz aen cidu sevei cuji miz yungh laidaih.

Faenzcieng ceijok, guek raeuz mbouj dwg gunghyoujci ginghci daij iq

daengz hung, daij nyieg bienq ak, dwg ndaej daengz dangj caeuq guekgya raeuz fuengcim cwnghcwz dazyinx guh baenz. Itloh doxdaeuq, guek raeuz mbouj dwg gunghyoujci ginghci hwnghat riengjret, youq onjdingh demmaj, coihaeuq cauhoq, gyalai guhhong, gaijndei gij gwndaenj bouxminz daengj fuengmienh miz yungh hung. Gaijgwz haicuengq caeuq aen saehnieb hwnghat sevei cuji yendaiva aen diegvih minzyingz ginghci baenzlawz caeuq de miz mbouj miz yungh, dangj caeuq guekgya gij fuengcim cwnghcwz doiq minzyingz ginghci hwnghat, dangj raeuz lijn caeuq saedguh dwg caemhmag doxcienz, caeuq seizdaih caemh yamq. Dangj caeuq guekgya gij fuengcim cwnghcwz doiq minzyingz ginghci hwnghat, gaeng gvihauj daengz aen cidu sevei cuji miz gij daegsaek Cungguk, yaek daij gyauej daengz rieng dawzmaenh caeuq doekguh, mbouj ndaej bienq, hix mbouj bienq. Raeuz itloh aen minzyingz giyez caeuq minzyingz giyezgyah guh vunz bonjfaenh, mwh minzyingz giyez bungz hojnanz bae bangcoengh, mwh minzyingz giyez bungz hojnanz bae sonyinx. Seizdaih moq duenh roen moq minzyingz ginghci hwnghat baenaj

roen gvangqlangh, baenz guh lai, goengq minzyingz giyez caeuq minzyingz giyezgyah langh bonjsaeh cingq hab seiz.

Faenzcieng ceijok, raeuz daegbied gangj daengz aen gunghyoujci ginghci gyamaenh ndei, hwnghat ndei, caeuq gikcoi, haeucoengh, dazyinx mbouj dwg gunghyoujci ginghci hwnghat mbouj dwg doiqdingj, cix dwg caemhcaez ndeindi. Gunghyoujci ginghci caeuq mbouj dwg gunghyoujci ginghci cungj dwg dingz gapbaenz youqgaenj sevei cuji hawciengz ginghci, cungj dwg aen giek youqgaenj guek raeuz ginghci aenbiengz baenaj. Guekgya raeuz baenzneix hung, gyauejvunz baenzneix lai, youh youq caemhcaiq yaek ciengzgeiz youq duenh cogaep sevei cuji, yaek aen ginghci aenbiengz guh hwnghat, couh aen gak baih caezhoz comz rengz daeuq guh, vunz lai gip fwnz feiz dawz foengx. Gunghyoujci ginghci, mbouj dwg gunghyoujci ginghci hab doxbouj doxbang, doxgap cij baenz, mbouj hab doxdawz, doxdingj. Aen laebdin duenh cogaep sevei cuji, itloh dawzmaenh aen fuengyengq gaijgwz sevei cuji hawciengz ginghci, dawzmaenh “song aen mbouj doenghonz saek di”.

Cungzcoj Gyalai Bued Cienz Doinyoengx Hangz Hamj Guek Baeyouz Hwnghat

Mboengqneix, Cungzcoj Si Caizcwnghgiz lwnh vunz lai rox, bi 2024 doxdaeuq, aen si neix gyalai bued cienz, doinyoengx hangz hamj guek baeyouz hwnghat riengjret, soq bouxhek hamj guek baeyouz cunggvaq 5 fanh vunzbaez.

Cungzcoj Si Dasinh, Ningzmingz, Lungzcouh, Bingzsiengz daengj yienh(s) caeuq Yeznanz doxrangh, sienq bien'gyaiq raez miz 533 goengleix, dwg diuz roen hung diegnamh guek raeuz doeng coh Dunghmunz.

Vih doinyoengx bien'gyaiq baeyouz hwnghat coh gozci, lai yienh, bi 2024, Cungzcoj Si cau diuz sienqlohang hamj guek baeyouz “yaw raemxdiuqdat + cawx doxgaiq hamj guek + doxhag vwnzva”, hwnghat aen haw mbouj aen sui q Cungguk Yeznanz, rangh dieg langh baij feihyiz daengj hanghmoeg miz daegsaek, caemhcaiq bued cienz 1200 fanh maenz (cienz Cungguk), haeucoengh bae guh dieg doxgap hamj guek yawjngonz raemxdiuqdat Dwzdenh(Banjyoz)

Cungguk Yeznanz, guh baenz “cawx baez fei ndeu, yaw song mbiengj” fuengbienh gvaqgvn.

Caemhseiz, Cungzcoj Si cienmonz bued cienz, haeucoengh Vehbangxdat Byaraiz cau aen dieg baeyouz 5A gaep, goebbaenz 10 cuj cienmonz guhhong, cang ndei aen cungsim fugsah bouxhek, aen cin iq ciengxndang mboqraemxraeuq, aen baksok vwnzva Loegvet daengj, hawj bouxhek roxnyinh dieg baeyouz lai ndei, bangrengz Aen Ginggih Vehbangxdat Byaraiz hwnj mbaek baenz aen dieg baeyouz 5A gaep guekgya.

Cungzcoj Si gaenx couz cienz, doihaeuq hwnghat aen hanghmoeg sawqguh lajmbanj gyaundeih “haj ndei song youq”. Youq Cungzcoj Si Gyanghcouh Gih, dang dieg bued cienz caizcwngh, hwnghat aen dieg caeuqfaenh yenzgiu hagsib guhhong comz miz “caeuqfaenh daijdaem + daijcaj + youq lajmbanj youq”, gungh ciepdaih bouxhek, aen doih hagsib daengj 3.8 fanh vunzbaez.

(Linz Hau Veiz Gyaehsiu)



Yungzsuij: Seizcin Raeujrub Nyaengq Hongnaz

Cinfaen yaek daengz, Yungzsuij Myauzcuz Swciyen bouxgunnaz ciengj seiz guhhong, bae reih bae naz dajraeq, dajraeq, doekceh caeuq rweid byaek daengj, doenghnaz nyaengqnyatnyat. Ndaw doz dwg 3 nyied 16 hauh, Yungzsuij Myauzcuz Swciyen Yungzsuij Cin Dunghliengz Cunh, bouxgunnaz cingq rauq naz.

(Lungz Linzi ingi)